



Deddf Amaethyddiaeth (Cymru) 2023

2023 dsc 4

RHAN 1

RHEOLI TIR YN GYNALIADWY

Monitro ac adrodd

4 Dangosyddion a thargedau rheoli tir yn gynaliadwy

- (1) Rhaid i Weinidogion Cymru lunio datganiad sy'n nodi—
 - (a) dangosyddion sydd i'w cymhwysu er mwyn mesur cynnydd tuag at gyflawni'r amcanion rheoli tir yn gynaliadwy drwy arfer y swyddogaethau y mae'r ddyletswydd yn adran 2 yn gymwys iddynt, a
 - (b) targedau mewn perthynas â'r dangosyddion hynny.
- (2) Rhaid i'r datganiad gynnwys—
 - (a) o leiaf un dangosydd neilltuoel ar gyfer pob amcan rheoli tir yn gynaliadwy, a
 - (b) o leiaf un targed neilltuoel sy'n ymwneud ag o leiaf un dangosydd neilltuoel ar gyfer pob amcan rheoli tir yn gynaliadwy.
- (3) Yn ogystal â hynny, caiff y datganiad nodi dangosyddion pellach a thargedau pellach.
- (4) Caiff dangosydd pellach a nodir o dan is-adran (3) fod ar gyfer un amcan rheoli tir yn gynaliadwy neu ar gyfer mwy nag un.
- (5) Caiff targed pellach a nodir o dan is-adran (3) ymwneud ag un dangosydd (pa un a yw'n ddangosydd a nodir o dan is-adran (2) neu'n ddangosydd pellach a nodir o dan is-adran (3)) neu â mwy nag un.
- (6) Caiff dangosydd neu darged ymwneud â Chymru neu unrhyw ran o Gymru.
- (7) Caniateir gosod targed drwy gyfeirio at unrhyw gyfnod y mae Gweinidogion Cymru yn ystyried ei fod yn briodol.
- (8) Rhaid i Weinidogion Cymru, yn ddim hwyrach na 31 Rhagfyr 2025—

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y
Deddf Amaethyddiaeth (Cymru) 2023, Croes Bennawd: Monitro ac adrodd. (See end of Document for details)

- (a) cyhoeddi'r datganiad, a
(b) ei osod gerbron Senedd Cymru.
- (9) Caiff Gweinidogion Cymru adolygu a diwygio'r datganiad ar unrhyw adeg.
- (10) Mae is-adrannau (2) i (8) yn gymwys mewn perthynas â datganiad diwygiedig fel y maent yn gymwys i'r datganiad gwreiddiol.
- (11) Pan fo Gweinidogion Cymru yn diwygio'r datganiad, rhaid iddynt, cyn gynted ag y bo'n rhesymol ymarferol—
- (a) cyhoeddi'r datganiad diwygiedig, a
(b) ei osod gerbron Senedd Cymru.

Gwybodaeth Cychwyn

II A. 4 mewn grym ar 17.10.2023, gweler **a. 56(2)(a)**

5 Camau i'w cymryd wrth lunio neu ddiwygio dangosyddion a thargedau

- (1) Wrth lunio neu ddiwygio datganiad o dan adran 4, rhaid i Weinidogion Cymru gymryd y camau a nodir yn is-adrannau (2) a (3).
- (2) Rhaid i Weinidogion Cymru roi sylw i—
- (a) unrhyw ddangosyddion cenedlaethol (fel y'u diwygir o dro i dro) a gyhoeddir o dan adran 10 o Ddeddf Llesiant Cenedlaethau'r Dyfodol (Cymru) 2015 (dccc 2) y maent yn ystyried eu bod yn berthnasol,
- (b) yr adroddiad diweddaraf ar gyflwr adnoddau naturiol a gyhoeddir o dan adran 8 o Ddeddf yr Amgylchedd (Cymru) 2016 (dccc 3), i'r graddau y mae'n ymwneud ag amaethyddiaeth, gweithgareddau eraill a gynhelir ar dir a ddefnyddir ar gyfer amaethyddiaeth, neu weithgareddau ategol,
- (c) y polisi adnoddau naturiol cenedlaethol diweddaraf a gyhoeddir o dan adran 9 o Ddeddf yr Amgylchedd (Cymru) 2016, i'r graddau y mae'n ymwneud ag amaethyddiaeth, gweithgareddau eraill a gynhelir ar dir a ddefnyddir ar gyfer amaethyddiaeth, neu weithgareddau ategol,
- (d) yr Adroddiad Effaith diweddaraf (os oes un) a gyhoeddir o dan adran 14, ac
- (e) unrhyw faterion eraill (gan gynnwys, ymysg pethau eraill, unrhyw ystadegau a gyhoeddir gan Weinidogion Cymru ynghylch cynhyrchu amaethyddol neu incwm busnesau amaethyddol, sy'n deillio o arolygon o'r sector) y mae Gweinidogion Cymru yn ystyried eu bod yn briodol.
- (3) Rhaid i Weinidogion Cymru ymgynghori ag—
- (a) Comisiynydd Cenedlaethau'r Dyfodol Cymru, a
(b) unrhyw bersonau eraill y maent yn ystyried eu bod yn briodol.

Gwybodaeth Cychwyn

I2 A. 5 mewn grym ar 17.10.2023, gweler **a. 56(2)(a)**

6 Adroddiadau rheoli tir yn gynaliadwy

- (1) Rhaid i Weinidogion Cymru lunio adroddiad o dan yr adran hon, mewn perthynas â phob cyfnod adrodd, yn nodi eu hasesiad o—
 - (a) y cynnydd cronnus a wnaed, ers i adran 2 ddod i rym, tuag at gyflawni'r amcanion rheoli tir yn gynaliadwy drwy arfer y swyddogaethau y mae'r ddyletswydd yn adran 2 yn gymwys iddynt, a
 - (b) y cynnydd a wnaed, yn ystod y cyfnod adrodd, tuag at gyflawni'r amcanion hynny drwy arfer y swyddogaethau hynny.
- (2) Rhaid i'r adroddiad nodi, mewn perthynas â phob dangosydd yn y datganiad (neu'r datganiad diwygiedig) a gyhoeddir o dan adran 4—
 - (a) y cynnydd a wnaed mewn perthynas â'r dangosydd hwnnw yn ystod y cyfnod adrodd, a
 - (b) sut y mae hynny wedi cyfrannu at gyflawni'r amcanion rheoli tir yn gynaliadwy.
- (3) Rhaid i'r adroddiad hefyd bennu, mewn perthynas â phob targed yn y datganiad (neu'r datganiad diwygiedig), pa un a yw'r targed wedi ei gyflawni yn ystod y cyfnod adrodd ai peidio.
- (4) Os yw targed wedi ei gyflawni yn ystod y cyfnod adrodd, rhaid i'r adroddiad egluro sut y mae hynny wedi cyfrannu at gyflawni un neu ragor o'r amcanion rheoli tir yn gynaliadwy.
- (5) Os nad yw targed wedi ei gyflawni yn ystod y cyfnod adrodd, rhaid i'r adroddiad—
 - (a) egluro pam, a
 - (b) nodi'r camau y mae Gweinidogion Cymru wedi eu cymryd, neu'n bwriadu eu cymryd—
 - (i) er mwyn cyflawni'r targed, neu
 - (ii) er mwyn gosod targed priodol newydd.
- (6) Os nad yw Gweinidogion Cymru hyd yma wedi gallu penderfynu pa un a yw targed wedi ei gyflawni yn ystod y cyfnod adrodd ai peidio, rhaid i'r adroddiad—
 - (a) egluro pam, a
 - (b) nodi'r camau y mae Gweinidogion Cymru wedi eu cymryd, neu'n bwriadu eu cymryd, er mwyn penderfynu pa un a yw'r targed wedi ei gyflawni ai peidio.
- (7) Caiff yr adroddiad hefyd asesu ac adrodd ar—
 - (a) unrhyw faterion eraill y mae Gweinidogion Cymru yn ystyried eu bod yn berthnasol wrth asesu'r cynnydd a wnaed tuag at gyflawni'r amcanion rheoli tir yn gynaliadwy;
 - (b) y blaenoriaethau allweddol, y risgiau allweddol a'r cyfleoedd allweddol mewn perthynas â chyflawni'r amcanion hynny;
 - (c) yr effaith y mae'r cynnydd a wnaed tuag at gyflawni'r amcanion hynny yn ei chael ar gyflawni nodau ac amcanion eraill.
- (8) Rhaid i Weinidogion Cymru, yn ddim hwyrach na 12 mis ar ôl diwedd pob cyfnod adrodd—
 - (a) cyhoeddi'r adroddiad sy'n ymwneud â'r cyfnod adrodd, a
 - (b) ei osod gerbron Senedd Cymru.
- (9) Yn yr adran hon, ystyr y "cyfnod adrodd" yw—

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y
Deddf Amaethyddiaeth (Cymru) 2023, Croes Bennawd: Monitro ac adrodd . (See end of Document for details)*

- yn achos yr adroddiad cyntaf, y cyfnod sy'n dechrau â'r diwrnod y mae adran 2 yn dod i rym ac sy'n dod i ben â 31 Rhagfyr 2025;
- yn achos adroddiadau dilynol, cyfnodau olynol o bum mlynedd.

(10) Caiff Gweinidogion Cymru ddiwygio is-adran (9) drwy reoliadau.

Gwybodaeth Cychwyn

I3 A. 6 mewn grym ar 17.10.2023, gweler [a. 56\(2\)\(a\)](#)

7 Camau i'w cymryd wrth lunio adroddiadau

Wrth lunio adroddiad o dan adran 6, rhaid i Weinidogion Cymru roi sylw i—

- yr adroddiad diweddaraf ar gyflwr adnoddau naturiol a gyhoeddir o dan adran 8 o Ddeddf yr Amgylchedd (Cymru) 2016 (dccc 3), i'r graddau y mae'n ymwneud ag amaethyddiaeth, gweithgareddau eraill a gynhelir ar dir a ddefnyddir ar gyfer amaethyddiaeth, neu weithgareddau ategol,
- y polisi adnoddau naturiol cenedlaethol diweddaraf a gyhoeddir o dan adran 9 o Ddeddf yr Amgylchedd (Cymru) 2016, i'r graddau y mae'n ymwneud ag amaethyddiaeth, gweithgareddau eraill a gynhelir ar dir a ddefnyddir ar gyfer amaethyddiaeth, neu weithgareddau ategol,
- yr Adroddiad Effaith diweddaraf (os oes un) a gyhoeddir o dan adran 14, a
- unrhyw faterion eraill (gan gynnwys, ymysg pethau eraill, unrhyw ystadegau a gyhoeddir gan Weinidogion Cymru ynghylch cynhyrchu amaethyddol neu incwm busnesau amaethyddol, sy'n deillio o arolygon o'r sector) y mae Gweinidogion Cymru yn ystyried eu bod yn briodol.

Gwybodaeth Cychwyn

I4 A. 7 mewn grym ar 17.10.2023, gweler [a. 56\(2\)\(a\)](#)

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Amaethyddiaeth (Cymru) 2023, Croes Bennawd: Monitro ac adrodd .